

**“TASDIQLAYMAN”**  
**O‘zgidromet huzuridagi**  
**jamoatchilik kengashi**  
**raisi o‘rinbosari**  
**F.S. Agzamov**  
**2023-yil 9 yanvar**

**O‘zgidromet va quyi tizimlarida ijro intizomini ta‘minlash**  
**borasida amalga oshirilayotgan ishlar natijadorligi to‘g‘risida**  
**Jamoatchilik kengashi majlisining**  
**1-son BAYONI**

2023-yil 9 yanvar

Toshkent shahri

**Jamoatchilik kengashi raisi: F.X. Hikmatov** – O‘zbekiston Milliy universiteti  
Gidrometeorologiya fakulteti professori,

**Jamoatchilik kengashi raisi o‘rinbosari: F.S. Agzamov** – Gidrometeorologiya  
ilmiy-tadqiqot instituti direktori

**Jamoatchilik kengashi a‘zolari:**

**K.R. Raxmonov** – O‘zbekiston Milliy universiteti  
Gidrometeorologiya fakulteti dekani;

**B.Ye. Adenbayev** - O‘zbekiston Milliy universiteti  
Gidrometeorologiya fakulteti kafedra mudiri,  
professor;

**B.M. Xolmatjonov** – Gidrometeorologiyailmiy-  
tadqiqot instituti Iqlim o‘zgarishi bo‘limi mudiri;

**A.S. Haydarov** – Samarqand davlat universiteti  
kafedra mudiri;

**E.I. Abdulaxatov** - Gidrometeorologiyailmiy-  
tadqiqot instituti tayanch doktoranti.

**Qatnashchilar:**

**I.Karimov** - O‘zgidromet Bosh direktori v.v.b

**A.Gafurov** – O‘zgidromet Tabiiy muhit  
ifloslanish monitoringi boshqarmasi boshlig‘i

## KUN TARTIBI:

**O'zgidrometda "Fuqarolik jamiyati institutlari bilan samarali hamkorligini ta'minlash bo'yicha jamoatchilik kengashi yig'ilishi"** mavzusida jamoatchilik kengashi yig'ilishi.

Yig'ilish joriy yilning 9-yanvar kuni O'zgidromet majlislar zalida bo'lib o'tdi.

Kengash vakillari, hamda O'zgidromet mutaxassislari tomonidan ta'kidlanganidek, bugun Nodavlat notijorat tashkilotlari (NNT) O'zbekistonda zamonaviy fuqarolik jamiyatini shakllantirish, demokratiyani qaror toptirish, fuqarolarning huquq va erkinliklarini himoya qilishda juda muhim bunyodkorlik rolini o'ynaydi. So'nggi yillarda nodavlat notijorat tashkilotlari va fuqarolik jamiyatining boshqa institutlarini qo'llab-quvvatlash, davlat organlari va ular o'rtasida ijtimoiy sheriklikni kuchaytirish, ta'sirchan jamoatchilik nazoratini amalga oshirish, shuningdek, ushbu sohani tartibga soluvchi huquqiy bazani takomillashtirish borasida izchil ishlar olib borildi.

Xususan, oxirgi to'rt yilda nodavlat notijorat tashkilotlari va fuqarolik jamiyati boshqa institutlarining 1 270 dan ortiq loyihalarini qo'llab-quvvatlash maqsadida Davlat budjetidan 117 milliard so'm miqdordagi mablag'lar ajratildi.

Amalga oshirilgan chora-tadbirlar natijasida nodavlat notijorat tashkilotlarining huquqiy kafolatlarini ta'minlaydigan, zamonaviy demokratik talablarga va xalqaro standartlarga javob beradigan normativ-huquqiy baza yanada takomillashtirildi. Buning natijasida 20 ga yaqin qonun, O'zbekiston Respublikasi Prezidentining hujjatlari va Hukumatning qarorlari qabul qilindi.

Nodavlat notijorat tashkilotlari manfaatlarini ifoda etish, davlat bilan ular o'rtasidagi ko'prik vazifasini bajarishga qaratilgan O'zbekiston Respublikasi Prezidenti huzuridagi Jamoatchilik palatasi tashkil qilindi, shuningdek, aholi bilan ochiq muloqot olib borishning yangi samarali vositalarini joriy etish maqsadida davlat organlari huzurida jamoatchilik kengashlari faoliyati yo'lga qo'yildi.

Mamlakatimizda erkin fuqarolik jamiyatini shakllantirish va rivojlantirish, inson huquqlarini, qonuniy manfaatlarini, demokratik qadriyatlarni himoya qilish, aholining siyosiy madaniyati va huquqiy ongini oshirishga munosib hissa qo'shgan nodavlat notijorat tashkilotlari vakillarini rag'batlantirish maqsadida "Fuqarolik jamiyatini rivojlantirishga qo'shgan hissasi uchun" ko'krak nishoni ta'sis etildi hamda sohaning 126 nafar faollari ushbu yuksak mukofot bilan taqdirlandi.

Ko'rilayotgan choralar natijasida so'nggi to'rt yilda fuqarolik jamiyatining eng asosiy instituti hisoblanadigan nodavlat notijorat tashkilotlari soni 20,7 foizga

oshdi, shu jumladan 187 ta yirik respublika nodavlat notijorat tashkilotlari o'z faoliyatini boshladi.

Shu bilan birga, ushbu ishlarni sifat jihatidan yangi bosqichga ko'tarish hamda mamlakatimizda fuqarolik jamiyatini rivojlantirishning yaqin va o'rta muddatli istiqbollari belgilab olish zarur.

Yig'ilishda O'zbekistonda zamonaviy fuqarolik jamiyatini shakllantirish, demokratiyani qaror toptirish, fuqarolarning huquq va erkinliklarini himoya qilishda juda muhim ro'l tutishu aytib o'tildi

Davra suhbatini yakunida tegishli tavsiya qabul qilindi.

Yig'ilish kotibi



M. Ruziyeva